

大同府志卷之一十八

大同府知府吳輔宏纂輯

宦蹟下

明

蔡天祐字成之睢州人宏治十八年進士累遷山西按察使嘉靖三年大同兵變巡撫張文錦遇害詔曲赦之擢天祐右僉都御史巡撫大同入城諭軍士獻首惡衆心稍定會尚書金獻民出師甘肅大同亂卒疑見討復鼓譟殺知縣文昌圍代王府上責天祐必獲首惡天祐令千戶苗登禽斬其首郭鑑等十一人鑑父郭疤子復

大同府志

卷之十八

宦蹟

一

糾徐羶兒等爲亂天祐捕戮徐羶兒明年又獲子等人心大定晉副都御史巡撫如故父老爲立安輯祠詹榮字仁甫山海衛人嘉靖五年進士以戶部郎中督餉大同值兵變殺總兵官李瑾總督劉源清率師圍城久不下榮素有智畧善應變叛卒掠城中無犯榮者外圍益急榮密約都指揮紀振遊擊戴濂鎮撫王寧討賊察叛卒馬昇楊麟無逆志乃陽令寧持官民狀詣源清所爲叛卒乞原而陰以榮謀告請宥昇麟死畀三千金俾募死士自効會源清已罷巡撫樊繼祖許之昇麟遂結心腹擒戮首惡黃鎮等九人榮乃開門延繼祖入復捕

斬二十六人錄功擢光祿寺少卿後遷右僉都御史巡撫甘肅二十三年以大同巡撫趙錦與總兵官周尚文不相能詔榮與錦易任黑山之戰以功晉右副都御史代府奉國將軍充灼行剽榮奏奪其祿充灼等復謀據大同榮告尚文捕得皆伏辜又築東路邊牆設墩堡請召軍佃作嗣與尚文戰捷彌陀山以功晉兵部左侍郎又以繕邊報最累被獎賚召還理部事當榮撫大同與總兵尚文皆有才畧邊垣鎮謐自後代者多不逮以故益思榮等云

黃綰字宗賢黃巖人承祖蔭以議禮入翰林累遷至禮部

大同府志

卷之十八

宦蹟

二

左侍郎大同軍變殺總兵官李瑾據城拒守總制侍郎劉源清提督郤永議屠之城中洵懼外援引爲助邊城大震巡撫潘倣請止兵源清力詆倣大學士張璉及廷議並右源清綰獨言非策及源清罷侍郎張瓚往代未至而郎中詹榮等已殲靖之而亂卒未盡獲軍民瘡痍甚代王請遣大臣爲之綏輯乃特以命綰且令察軍情勘功罪得便宜行事綰馳至大同宗室軍民牒訴官軍暴掠者以百數無告叛軍者綰一無所問以安其心嗣大集軍民曉以禍福罹害者陳牒佯不問而密以牒授給賑官按里核實一日捕首惡數十人卒尚欽殺一家

三人懼不免復倡亂無應者遂就擒縮復圖形購首惡  
數人軍民不復虞誑誤乃令有司樹木柵設保甲四隅  
創社學教軍民子弟城中大安還朝列上文武將吏功  
罪源清永皆被逮而增縮俸一等焉

趙炳然字子晦劔州人嘉靖十四年進士爲御史與給事  
中李文進覈宣大山西兵餉劾前後督撫樊繼祖史道  
監司楊銳指揮馮世彪等一百七十七人侵冒罪坐謫  
有差條上十二事後以兵部尚書兼右都御史總督宣  
大山西軍務新平平遠保平三堡密邇宣府舊屬大同  
天城相去六十里孤懸塞外隔崇山炳然奏添設叅將

大同府志

卷之十八

宦蹟

三

別爲一營報可尋以功被賚召還部加太子少保

翟鵬字志南撫寧衛人正德三年進士性剛介歷官以清  
操聞嘉靖二十一年宣大總督樊繼祖罷除鵬兵部右  
侍郎代之疏言論將士功罪宜平情覈實不當拘成例  
上從之受事僅百日以連乞兵餉奪職其年秋邊烽告  
急起鵬故官甫受命兵已退解乃浚濠築垣修邊牆三  
百九十餘里增新墩二百九十二護墩堡一十四建營  
舍一千五百間得地萬四千九百餘頃募軍千五百人  
人給五十畝省倉儲無算舊例兵皆團操鎮城聞警出  
戰每夏秋間分駐邊堡鵬請入秋悉令赴塞畫地分守

九月中還鎮遂著爲令二十三年以功進兵部尚書上倚鵬請輒從而責効甚急乞罷弗允會廷議撤宣大三關客兵鵬在朔州聞完縣報警夜半至馬邑調兵食復趨渾源遣諸將往禦之御史楊本深兵科戴夢桂劾鵬逗遛速下詔獄卒人咸惜之

王忬字民應太倉人嘉靖二十年進士二十九年以順天巡按馳守通州上知其能超擢右僉都御史三十三年上手敕吏部命忬撫大同比至鎮上書具言歲祲乏軍興狀請大司農金錢十萬賑之活者萬計以功晉兵部右侍郎尋代楊博總督薊遼與時相不合構罪死

大同府志

卷之十八

宦蹟

四

梁震新野人襲指揮使廉勇善訓士嘉靖初充陝西總兵官晉右都督十五年移鎮大同大同變軍連殺巡撫張文錦總兵官李瑾繼瑾者魯綱威不振兵益驕廷議以爲憂移震往震素蓄健兒五百人至則下令軍中申約束鎮兵素憚震由是帖服戰牛心山及宣寧灣紅崖兒數奏績進左都督與督師毛伯溫修鎮邊諸堡不數月功成卒謚武莊震前後百十戰未嘗少挫時率健兒出塞皆自効及卒健兒無所歸守臣以聞編之伍後頗得其力代震者祝雄遼東人自山西副總兵遷鎮大同亦善撫士被劾去

周尚文字彥章西安後衛人多謀畧精騎射襲指揮同知  
屢著戰功嘉靖二十一年以都督府知充總兵官鎮大  
同請增餉及馬兵部議格之而尚文與巡撫趙錦不協  
乞休弗允御史王三聘乞移之他鎮廷議大同衝扼尚  
文假此以避不宜墮其謀乃移錦甘肅尚文以戰黑山  
功進右都督鵠鵠谷之役尚文備陽和遣騎四出戰有  
功賜勅獎勞會議築邊牆自宣府西陽和至大同開山  
口延袤二百餘里以屬尚文乃益築陽和以西至山西  
丫角山凡四百餘里堠臺千餘斥屯田四萬餘頃益軍  
萬三千有奇上嘉其功進左都督加太子太保充灼謀

大同府志

卷之十八

宦蹟

五

變尚文偵諮得其間加太保自尚文涖鎮與巡撫詹榮  
等規畫戰守士民息肩者數年歸者相屬二十七年彌  
陀山圍尚文督諸將出援圍乃解尚文轉戰次野口獲  
捷而還旋以大同兵援宣府錄功賜賚有加其年卒尚  
文得士死力故所向有功宿將王效馬永梁震皆前卒  
惟尚文存威名最盛焉

馬芳字德馨蔚州人十歲被掠潛自亡歸周尚文鎮大同  
奇之署爲隊長嘉靖二十九年授陽和衛總旗戰威遠  
新平堡泥河有功累遷指揮僉事三十六年擢宣府總  
兵官隆慶初大同被兵視宣府尤甚總督陳其學令總

兵官趙崱扼紫荆關而懷仁山陰多所未靖崱坐貶三秩遂調芳與易鎮威遠幾破會其學赴救而芳軍亦至獲捷芳乃將兵出右衛戰威寧海子勝之塞上遂無事尋復鎮宣府以疾歸芳起行伍十餘年爲大帥大小百十接以少擊衆未嘗不大捷威名遠震爲一時將帥之冠子林由蔭累官大同叅將萬歷二十年以功晉副總兵四十七年殉開原

俞大猷字志輔晉江人從趙本學學易推行兵家奇正虛實之權從李良欽學劒棄諸生嗣世職百戶舉嘉靖十四年武會試二十一年詔天下舉武勇士巡按上其名

大同府志

卷之十八

宦蹟

六

兵部毛伯溫爲尚書送之宣大總督翟鵬所論兵事屢折鵬鵬謝曰吾不當以武人待子下堂禮之然亦不能用後十餘年爲浙江總兵勦岑港倭而御史劾之令立功塞上大同巡撫李文進習其才與籌軍事乃造獨輪車以攻陣嘗以車百輛步騎三千獲勝安銀堡文進上其制於朝遂置兵車營京營有兵車自此始詔還世蔭萬歷初卒於後府僉書

楊博字惟約蒲州人嘉靖八年進士三十五年代許論爲兵部尚書博未終父喪疏辭而上以大同右衛告急改博總督宣大山西軍務博墨線馳出關未至侍郎江東

等以大軍進右衛圍六月守將王德戰亡芻粟且盡士死守無二心博厚加褒卹奏行善後十事以給事中張學顏言畱博鎮撫奏蠲租因僉其丁壯爲義勇分隸諸將造偏箱車二輛令習車戰又以大同牆圯繕治爲急次則塞銀釵驛馬諸嶺以扼紫荊路於大同牛心山諸處築堡九墩臺九十二接左衛高山站以達鎮城濬大壕二各十八里小壕六十有四五旬訖功賜勅獎賚加太子太保畱鎮如故博先後數出奇兵並議築故總督所創邊牆招民千六百餘人又請通宣大荒田水利薄其租報可旋移薊遼總督後晉吏部尚書少師致仕

大同府志

卷之十八

宦蹟

七

王之誥字告若石首人嘉靖二十三年進士由知縣累遷河南叅議調大同兵備副使以功增俸一級進山西右叅政

許論字廷議靈寶人吏部尚書進子嘉靖五年進士好談兵幼從父盡知險易以知兵聞累官右副都御史兵部左侍郎三十三年出督宣大山西軍務奸人呂鶴初與邱富以左道惑衆叛論遣兵捕鶴並誅其黨以功進右都御史再晉兵部尚書時邊牆盡撤而守臺論請改築於牆外每三百步建一臺俾矢石相及上置女牆營舍守以壯士十人下築月城穴門通出入度工費不過九

萬金數月而足詔立從之三十五年召還代楊博爲兵部尚書

楊武字宗文岐山人以進士知淄川有聲擢大理寺左寺丞受勅勘視大同察核屯田不均軍役耗損諸弊政釐正裁革彈劾不少避人咸誦焉超拜左僉都御史巡撫宣府

江東朝城人由進士累官兵部右侍郎嘉靖三十五年總督宣大軍務甫抵任烽警大作東選銳士戰却之召還部視事三十七年春大同右衛圍急數月餉道不通復以東總督軍務設策得通餉城中士氣百倍選集主客兵數萬圍乃撤東卽日入衛城所運糧凡四千餘石軍民感泣呼聲震地進兵部尚書協理軍政尋復總督宣大軍務四十四年卒諡恭襄

侯鉞字義甫東阿人嘉靖辛丑進士由工部郎中出爲山西屯田僉事築龍門邊擢副使整飭陽和兵備大將軍仇鸞行邊司道皆伏謁鉞獨長揖不伏鸞初不悅及與語縱橫指畫旁若無人鸞奇其才謂軍門曰此中嶽嶽侯君一人兵備三月拜右僉都御史巡撫大同尋致仕岳懋陝西人嘉靖三十三年爲大同總兵官五月懋巡邊至青圪塔陷伏中戰死指揮薛綦已奪圍出太息曰主

將死我何用生復陷陣死之贈懋左都督諡壯愍立祠  
綦亦贈蔭祔享

南逢吉字元真陝西渭南人嘉靖閒由進士累官六同兵  
備副使時邊務廢弛將士無能知陣法者逢吉授以奇  
正方員諸紀律早夜練習爲攻守具盡復演場之爲豪  
右侵據者數巡三關外簡部伍嚴亭障旗幟壁壘煥然  
一新名傳塞上又條上便宜五事爲執政所忌中以蜚  
語罷歸

胡宗憲字汝貞績溪人嘉靖十七年進士由知縣擢御史  
巡按大同具悉關塞險易將卒勤惰會詔徙大同左衛

大同府志

卷之十八

宦蹟

九

軍於陽和獨石卒聚而譁宗憲單騎慰諭乃定

焦澤大同後衛人剛毅有謀以遊擊從總兵周尚文戰彌  
陀鳳凰皆先登大捷陞西路叅將調守東路時修東城  
未完澤知有警預爲設備未幾警告賴以無虞嘉靖三  
十三年總兵大同邊疆寧謐人敬憚之

張達涼州人目不知書慷慨負奇節膂力絕人嘉靖二十  
年以故總兵赴軍前立功戰勝鐵裏門二十九年充  
大同總兵官時小鷲圪塔墩口告警巡按御史胡宗憲  
趨戰達素勇敢好離營繞鬪挺身陷陣圍數匝達四面  
馳擊多披靡馬蹶死副將林椿分擊於彌陀山聞達被

圍馳援不克中流矢死贈達左都督諡忠剛椿都督同知諡忠勇

趙尙榆林人以左副總兵協守大同嘉靖三十二年以邊功署大同副總兵事隆慶間充大同總兵官常督將士立功被賚蔭一子千戶

王邦直磁州諸生偉幹多力嘗持千金器移數處不爲疲號玉千金以臺諫薦兵部檄送督府待以殊禮嘉靖乙巳秋鶉鵠峪告急邦直佐守將張鳳射却之轉戰而前復大合鳳與邦直結方陣以拒鳳戰死或勸邦直潰圍出邦直撫膺曰吾以腔血報軍門鳳死吾豈忍獨生遂

大同府志

卷之十八

宦蹟

十

揮刃向前馳擊數十人圍益急外援絕知不得脫乃拔佩刀自刎督府上其狀贈指揮僉事立祠陽和祀之

劉祐字淑修東萊掖人嘉靖癸丑進士由司理累擢都察院右僉都御史巡撫大同時兵戈相繼咸爲祐難之祐諏咨利害得其要領謂雲中西連東勝東接右衛聲勢聯絡自二邊失守險莫可圍五堡之役復以兵變不終遂孤懸不支宜乘時生聚更休控險成犄角之勢漸復五堡援右衛屯田訓士且戰且守度有寧宇於是相地形增亭障稽覈耗漏率厲勇敢戒諸將各守分地毋輕出邊政大舉歸者相屬祐疏請便宜處置千人以上則

爵其魁游徼卒敢遮掠者罪制曰可當是時微祐雲中幾殆然祐治軍嚴諸紈袴子弟不得竄籍冒功遂騰蜚語祐亦念母甚移疾歸

史道涿州人嘉靖十五年廷議大同兵變後多警選才望者爲巡撫道以大理少卿改僉都御史巡撫大同至鎮會同總兵梁震戰於玉林川等處捷聞勅賜獎勵進副都御史墾闢五堡近水地人士享其利立祠祀焉

李瑾大同右衛人嘉靖初爲大同中路叅將兵警薄西路瑾率師赴之或曰非汛地也瑾曰比肩共事何彼此之有以功擢總兵官鎮守大同與士卒同甘苦然持法嚴大同府志

卷之十八

宦蹟

十一

凡烽堠失警者不少貸以故鎮兵亦竊恨之叛卒王福勝等數十人懼誅夜攻瑾親格鬪力竭解胄抽佩刀曰吾爲大將豈可死叛卒手遂自刎

楊總錦衣衛人嘉靖間知大同府方正自持輕徭薄賦餽遺一無所受有懸魚之風

王誥西平人嘉靖間知大同府寬大精明囑托不行貨財不染未幾以憂去尋陞湖廣叅政民甚思之

郭從道徽州人嘉靖間以舉人知應州募民開墾荒地勤於勸課歲大熟流亡相率來歸戶口增倍

殷尚質天津衛人世襲指揮僉事充大同叅將嘉靖三十

二年大同巡撫侯鉞被圍尚質率所部馳援乃解去以  
功擢副總兵後戰歿廣寧

馬呈書廣平人嘉靖中以鄉科起家知大同縣饒才華善  
剖決民以訟至者立判之稱神君秩滿擢本府同知督  
府倚重入爲郎中尋復出知大同府鎮撫有方尤加意  
學校三雲軍馬間絃誦時聞擢運使致仕歸

惠之翰清澗人嘉靖間以舉人任大同通判時鴈門糧餉  
奸人侵漁翰廉而實之法飲冰茹檠遇事能身任不辭  
勞怨嘗語人曰苟利於民此官可棄何恤乎人言

桂琳石埭人知廣靈縣蠲煩滌苛一意蘇息每秋多方儲

大同府志

卷之十八

宦蹟

十二

積及春以貸貧不能耕者去之日百姓涕泣攀留不忍  
舍

許光宗乾州人嘉靖間以舉人知山陰縣縣多水患築隄  
捍之舊城卑薄請之撫按重築始堅厚至督課諸生撫  
卹百姓尤足多焉

劉漢平魯衛人嘉靖三十九年任大同總兵官叛人邱福  
趙全李自馨等居古豐州築城建墩構宮殿甚麗號曰  
板升時鎮兵積弱漢憤甚謀選精銳襲之斬八十三級  
生擒七十二人焚其宮室餘衆奔匿幾獲全捷聞上大  
悅漢等陞賞有差

王朗三原人嘉靖十五年以舉人任山陰知縣時城垣頽圯井堙民苦遠汲朗尅日修濬其他闕政皆次第舉行在任八年以最擢陞知州

王崇古字學甫蒲州人嘉靖二十年進士喜談兵具知諸邊陲塞隆慶四年總督宣大山西軍務功績懋著加太子少保兵部尚書總督如故是時邊疆寧謐東起延永西抵嘉峪七鎮數千里軍民樂業不用兵革詔晉太子太保萬歷中加少保卒諡襄毅

方逢時字行之嘉魚人嘉靖二十年進士隆慶四年以右僉都御史巡撫大同撫綏有功進兵部右侍郎兼右僉大同府志  
卷之十八 宦蹟  
十三  
都御史甫拜命以憂歸萬歷初起故官總督宣大山西軍務累晉兵部尚書兼右副都御史總督如故五年召理軍政復列上五事尋代崇古爲尚書累加少保致仕逢時才畧明練處置邊事皆協機宜其功名與崇古相亞稱方王云

吳兌字君澤紹興山陰人嘉靖三十八年進士隆慶間以右僉都御史巡撫宣府累功進兵部右侍郎萬歷七年秋以左侍郎召還部

麻貴大同右衛人隆慶中任大同新平堡叅將時山陰懷仁應州烽警將吏並獲罪獨貴與兄副將錦戰有功受

賞萬歷初遷大同副總兵十年以都督僉事充寧夏總兵官無何徙鎮大同貴頻以功蒙賜賚後被劾去錦由大同叅將進本鎮副總兵從趙尙出塞有功與弟貴並著保境績撫字攸宜歸者甚衆萬歷間終宣府總兵官鄭汝璧縉雲人隆慶戊辰進士由部曹累遷兵部右侍郎兼僉都御史總督宣大山西軍務泣任疾作然日夜召將吏議戰守計檄行諸道修城堡練士卒治器械不自知其憊也疾甚乞罷歸卒

許希孟固始人隆慶間分巡大同僉事強幹有威望凜凜以風紀自持當時頌其績者有政如冰霜奸宄消亡之

大同府志

卷之十八

宦蹟

十四

語

艾杞米脂人隆慶三年以僉事分巡大同躬自儉約率僚屬饋遺無所受人亦卒不敢遺時值邊警杞內紀軍餉外佐陳行境賴以安以勞瘁卒於官

韓應元歷城人隆慶初以進士知懷仁縣釐正祀典均平夫役歷久猶遵其法陞評事去

劉復禮山海衛人隆慶間以舉人知渾源州介直廉明御下嚴肅聽訟令民自解解卽不復問遇士大夫有禮然未嘗貶法狗之磚包州城建鄉賢名宦祠月再課士出俸資供具而時周恤其貧困者衙有苦井一夕變甘人

咸異之閱八年陞工部員外郡人立石頌德焉

傅延耆歷城人隆慶間以貢士知應州值烽烟孔棘延耆多方設備恃以無恐辦山糧不辭利害惠愛在民祀名宦

苗淳然字直齊直隸曲周人隆慶六年由進士任山陰知縣承前令積敝簿書不報者繁於蝟毛所司責期會甚急甫至任按籍口決數十事旬日間論報輒盡能聲大著未幾調繁臨朐去

喬密字汝登陝西同州人隆慶中以舉人知廣靈縣墾荒田興學校鋤豪右卹犖寡奉檄甃城殫力董役功成踰

大同府志

卷之十八

宦蹟

十五

百年壯麗如初陞霸州知州去

吳百朋字惟錫義烏人嘉靖二十六年進士歷兵部右侍郎萬歷初奉命閱視宣大山西三鎮百朋以糧餉險隘兵馬器械屯田鹽法等八事核邊臣督撫王崇古吳兌總兵郭琥以下陞賞黜革有差又進圖凡關塞險隘歷歷如指掌以省母歸

鄭洛字禹秀安肅人嘉靖三十五年進士隆慶時爲山西叅政佐總督王崇古巡邊有功萬歷二年擢右僉都御史巡撫山西移大同入爲兵部右侍郎七年以左侍郎總督宣大山西軍務復以功加兵部尚書兼右副都御

史加太子太保十八年詔兼右都御史經畧陝西咸寧甘肅及宣大山西軍務洛進兵青海尚書石星以宣大事急請速召洛共計之洛既至與總督蕭大亨巡撫王世揚邢玠等定議事乃晏息以功進少保未幾謝病歸郭琥字宗器永昌衛人由總旗積功爲大同副總兵萬歷初擢總兵官代馬芳鎮大同以功累晉右都督重修大邊東自西陽和西抵丫角山延袤六百餘里每五里一墩墩二卒更番瞭望親詣彈壓無敢要素琥在鎮數年練兵積粟建置倉廩增飾城樓修築輿雲橋次第畢舉爲承平良將焉

大同府志

卷之十八

宦蹟

十六

曾乾亨字於健吉水人萬歷五年進士歷光祿少卿十八年勅兼監察御史閱視大同邊務劾罷總兵以下十餘人大同土兵歲餉萬二千石兵自徵之民不勝擾乾亨議畱兵二百餘盡汰之屢奏事輒中機要晉大理少卿梅國正字克生麻城人少雄傑善騎射萬歷十一年進士嘗以監軍御史平寧夏有功累遷右僉都御史巡撫大同久之遷兵部右侍郎總督宣大山西軍務在鎮三年節省冗費銀十五萬兩有奇 父憂去

王基號對滄青州衛人萬歷初以進士任大同知府重節義戢橫豪熟諳邊務歷分守河東道惠政周洽十六年

巡撫大同謹斥堠明賞罰練將士裁冗費通商賈嚴懲  
強禦奏錮豪宗四民寧帖邊方晏安累官戶部尚書

涂宗濬字鏡源南昌人萬歷中以進士授御史累遷宣大  
山西總督晉尚書加太子太保乞休歸久之復起宣大  
山西總督力疾赴任甫數日遽卒宗濬前在鎮時持大  
體能得將士心聞復任咸踴躍比捐館多歎息泣下者  
賈應元遵化人由進士累官右僉都御史萬歷間巡撫大  
同舉羨餘贖鍰以勞軍各路堡砦凡土築者奏請磚包  
之與總兵郭琥同修興雲橋備極壯麗終兵部左侍郎  
范錫定興人萬歷間以舉人任大同東路同知慈祥廉幹

大同府志

卷之十八

宦蹟

十七

爲民造福規百年之計創建廣積倉宏敞精密甲於雲  
鎮磚包南關皆其營度歲歉多方贍救民賴以活至於  
加意學校而計室家給資斧卽家人父子不啻焉其子  
孫累登科第人謂廉吏之報

湯兆京字伯閔宜興人萬歷二十年進士由知縣擢御史  
出按宣府大同請罷稅使張彞礦使王虎王忠皆不納  
入掌河南道居官廉正遇事慷慨屢爲黨人齟齬投劾  
歸

喬允升字吉甫洛陽人萬歷二十年進士除知縣以治行  
高等徵授御史出按宣府大同甚著風采後至刑部尚

書

連格禹州人萬歷間知大同縣悃愾無華遇事剖決如流  
悉得其情士民德之陞御史

李熙大同後衛人沉毅有謀畧萬歷中佩征西將軍印鎮  
守大同時邊境寧謐熙訓練士伍秣馬厲兵常若有事  
召入掌後軍都督府

呂坤字叔簡寧陵人萬歷二年進士由襄垣知縣調大同  
多惠政善斷疑獄民德之如父母嘗自書門聯曰皇天  
下鑒此心敢不光明正直赤子來遊吾腹願言愷悌慈  
祥真不愧斯語徵授戶部主事

大同府志

卷之十八

宦蹟

十八

解經邦韓城人萬歷乙未進士任大同知縣端介不苟代  
府宗人頗豪橫好持吏短長爲民害經邦以禮繩束之  
卒不敢干以私累遷陽和兵備副使風紀肅然後至宣  
府巡撫

孫體元山東濱州人萬歷間以進士知大同縣下車卽慨  
歎學宮闕畧首捐俸鳩工鑿泮池建奎光樓規制一新  
久之陞工部主事去士民思之

關揚海豐人萬歷壬辰進士知大同縣嘗苦郵驛罷敝令  
將驛糧隨大糧徵入官庫以見銀鬻騾僱役人樂趨焉  
又起房課分上中下三等官覓人役民獲寧止

李應薦恩縣人萬歷癸丑進士任大同知縣闢荒田清糧額設兵備捍衛有功尤善決疑獄堂規肅然吏胥無敢爲姦利者去之曰攀畱載道民久而思之

房守土齊河人萬歷丁丑進士二十六年巡撫大同時礦盜縱橫大爲民害收巨魁數人杖殺之盜少止歲饑出官錢募民轉運官民兩便去之日遺羨金九十兩悉籍以充餉軍民至今頌之

吳夢周直隸霸州人萬歷中以舉人知靈邱縣政簡肅持大體凡里民輸納計時定分數足則不令聽比遇里長令得拜起如屬員禮衆知自重有限數不敷者私賂里

大同府志

卷之十八

宦蹟

十九

長孟顯寬其比顯卽以所賂封納正賦由是不煩追呼而歲額自足一時風俗稱醇厚云

沈學無錫人萬歷間以舉人任渾源州學正下帷攻苦擁臯比課讀每聚諸生講論輒過丙夜會文手定甲乙講席宏開教思不倦

張宗衡臨清人萬歷四十一年進士天啟七年爲右僉都御史代張翼明巡撫大同引宿將滿桂爲助大修邊防崇正四年擢兵部右侍郎總督宣大山西軍務嘗奉命統諸將兵屢報捷於沁潞等處乃還軍陽和時來歸者衆宗衡悉受之安輯者萬二千餘人大同遂稱寧宇

劉以守浙江分水人天啟間以舉人任山陰知縣有應變  
畧又明於形勢泣任後改河道築圍牆濬池濠製懸樓  
屹然巨鎮焉

王象雲山東新城人天啟五年進士知大同縣下車卽列  
上條議民風邊政如指掌頻歲旱潦多荒地象雲給牛  
貸種以招撫之又捍衛守禦有功擢御史官至山西叅  
議

鹿獻陽潁川人天啟乙丑進士除大同推官決獄以平恕  
稱尤諳習邊務嘗奉檄查邊所過城堡墩臺斥堠洞見  
利弊每當捍禦動合機宜城賴以存焉

大同府志

卷之十八

宦蹟

二十

胡良機字省之南昌人萬曆四十四年進士天啟間爲御  
史忤魏璫見斥崇正元年起故官按宣大二鎮年滿當  
代以敏練再巡一年尋爲監視中官王坤所劾奪官  
滿桂蒙古人家宣府勇敢便騎射爲督師大學士孫承宗  
所知累遷掛印總兵官賜尚方劍加太子太師崇正元  
年大同總兵渠家楨失事以桂代之桂至徧歷八路七  
十二城堡大修守備軍民恃以無恐明年拜武經畧戰  
歿

盧象昇字建斗宜興人天啟二年進士崇正九年詔以兵  
部左侍郎總督宣大山西軍務大興屯政穀熟畝一鍾

積粟二十餘萬上諭九邊奉爲式明年春聞宣警卽夜馳至天城矢檄旁午因檄雲晉兵勿動戒邊吏毋輕言戰持一月乃潛召雲師西來宣師東來自督兵直子午出羊房堡計日鏖戰兵未遇先自解去象昇在陽和邊政肅如五月丁外艱候代乃墨縗從事尋晉兵部尚書九月督宣大山西三總兵入衛十二月朔殉節鉅鹿

衛景瑗字仲玉韓城人天啟五年進士崇正十五年由大理少卿擢右僉都御史巡撫大同歲饑疫疏乞賑濟蒐軍實練火器戢豪宗聲績甚著十七年正月李自成將犯山西宣大總督王繼謨檄大同總兵官姜瓖阨之河

大同府志

卷之十八

宦蹟

二十一

上瓖潛使納欵而還景瑗不知也及山西陷邀瓖歎血誓死守瓖布訛言衛巡撫秦人將應流賊代王果疑之不與相見永慶王至射殺其僕會景瑗有足疾不時出兵事瓖主之瓖兄瑄以昌平總兵失律繫獄後赦出就瓖力勸降賊瓖慮其下不從人犒之銀言勵守城將士代王信之諸郡王分門守瓖每門遣卒二百人助守至三月朔賊抵城下瓖卽射殺永慶王開西門迎賊入給景瑗計事景瑗乘馬出知有變自墜馬下俄爲賊所執自成欲官 景瑗不屈據地坐大呼莊烈帝而哭賊義之曰忠臣也不殺景瑗猝起以頭觸階石血淋漓賊引

出顧見瓌罵曰與吾盟而卽叛神其赦汝耶賊使景瑗  
母勸降景瑗曰母年八十餘矣當自爲計兒國大臣不  
可不死母出景瑗謂人曰吾不罵賊者以全母也初六  
曰自經於僧寺賊歎爲忠臣移其妻子空舍戒無犯見明  
史本傳按李自成傳崇正十七年陷大同巡撫衛景瑗  
總兵朱三樂死犯宣府總兵姜瓖迎降巡撫朱之馮死  
又按朱之馮傳崇正十六年巡撫宣府明年三月李自成  
成陷大同之馮誓死守城中官杜勛與總兵王承允開  
門降之馮自縊死文  
有互異謹附記於此

焦源溥字涵一三原人萬歷四十一年進士崇正七年擢  
右僉都御史巡撫大同時邊事日棘兵缺伍餉又久乏  
歲洊饑民淘馬糞以食源溥請蠲賑增餉當事不能應

大同府志

卷之十八

宦蹟

二十一

踰年自劾求去遂罷歸十六年死關中

徐有聲字聞復金壇人崇正間以鄉薦特擢戶部主事歷  
員外郎郎中督餉大同十七年闖賊之亂城陷不屈死  
贈太僕少卿

蔣秉采字衷白全州舉人崇正中知靈邱縣七年八月募  
兵守城力屈衆潰投繯死合門殉之守備于世奇把總  
陳彥武馬如豸典史張標教諭路登甫並鬪死事聞贈

卹如制

縣志作蔣炳彩通志作  
秉采與明史合從之

杜茂初由歲貢任山陰教諭博綜經史饒幹畧崇正元年  
茂初與縣令劉併力守城部勒諸生分守梁口皆奔走

用命儼若士伍焉

王宗文龍游人崇正間以貢任大同縣丞佐縣令固守南關備著勞績又嘗督運粟米採買硝磺公事濟而下無派累其清勤尤足多云

馬剛中字九如商城人崇正七年進士除大同知縣豐儀善譚論雅重學校喜與士大夫講文義治尚寬平行取

授檢討乞假歸里城陷死

按明史商城知縣盛以恒與鄉官洪允衡馬剛中等守城

死剛中嘗知大同其重學校尚寬平見雍正八年大同知縣陳世寶縣志稿允衡亦嘗官陽和兵備副使而宦蹟無考姑從闕焉

程良球黃岡人崇正間以舉人知渾源州申革草商除民

大同府志

卷之十八

宦蹟

二十三

大害以憂去士民戴之

崔廓任邱人崇正間以舉人知懷仁縣條編官租成熟起課民免包賠善政永賴

黃榜魁山東威海衛人崇正間以貢士任靈邱知縣邑有劇賊一縉白者剽掠鄉村甚爲民患榜魁廉得其踪跡單騎督率丁壯捕獲之并其黨二十餘人悉寘之法地方由是安堵

朱家仕河州人進士崇正末爲分巡陽和兵備副使寬平慈和博學通內典闖賊入大同或爲謀他出可以後圖家仕笑曰時事至此余生平參驗謂何而惜一死以報

君父耶盡驅妻妾子女入井自抱金菩提一尊投入其  
從容如此

李倬崇正十七年任山陰知縣流賊至死之

國朝

馬國柱遼東人魁偉有大畧順治三年總督宣大山西軍  
務至則查覈屯政肅清衙宇條列數事皆著爲令甲馭  
軍尤有紀律在任二年多善政調江南總督去

王度山東泰安州人順治三年以進士任大同知縣精練  
明敏治有聲姜逆之變道府篆多失獨縣印存 親王  
統師來討時平西將軍印猶未頒布檄徵餉調兵繫縣

大同府志

卷之十八

宦蹟

二十四

印是賴度善招撫懷仁諸地以次定督運勸輸搜馬擒  
賊胥有功賊黨忌其能造度手書投營前爲反間 王  
知其樸忠出書示之度勃怒檄詆賊家人九口胥爲賊  
所害事平議敘歷官至太常寺卿

顏永錫順天大興人順治三年以進士任山陰知縣時田  
荒逋積乃招集流亡詳豁正賦一千九百餘兩加意作  
新殘民蘇息以治最陞去士民德之

梁化鳳字灃源陝西長安人順治三年以武進士官陽和  
高山衛守備精騎射饒謀畧善撫軍士能得其死力姜  
逆之變以忠義激勵之令厲兵以待 大兵進勦遂率

所部從臨陣振臂大呼矢石如雨不少避大小七十餘戰所向有功七年四月收復郡三州一縣五衛二城八堡十寨八臺三洞十五胥克宣力焉晉都督僉事後以平海寇功擢至提督

周官順治元年任渾源州吏目直指嘗薦之姜逆之變死其官施邦政任山陰縣典史順治六年亦死姜變

李吐馨陝西同官人順治二年官靈邱縣典史姜逆之變集城下者數千人令素恇怯莫知所措吐馨招集鄉勇激以大義慷慨登陴士民胥感泣地當賊衝獨屹然堅守論者韙之

大同府志

卷之十八

宦蹟

二十五

項一科順治四年任大同縣丞有能聲姜逆之變以死勤事

張肇斌順治五年任大同府西路同知姜逆之變以死事著

榮爾奇山東德州人癸未進士由汾州冀南道左遷渾源州知州剛毅明達政簡刑清士民甚愛之姜逆之變抗節守城死順治十六年知州張崇德申請崇祀名宦祠佟養昇遼東人順治間以旗職養馬大同姜逆之變巷戰不屈死

管一舉順治間任得勝路叅將死姜逆之變

贈副將祀忠烈祠

宋子玉遼東人順治間任大同兵備道姜逆之變與通判楊達朔州知州王家珍謀靖其患旣而謀不克遂因手刃愛子以死

徐一范江南蕪湖人以進士任禮部郎中轉大同兵備道時業知姜瓖變私念猶子明弼知馬邑縣可藉以殺賊驅車直前不少沮比至城下傷於挺蓋賊黨環匝一范固無由察也至死罵不絕口

王宇春遼東人順治五年任陽和兵備道爲政持大體撫恤軍民甚有威惠戊子冬姜瓖據郡城變 大兵圍城

大同府志

卷之十八

宦蹟

二十六

陽和距大同僅百里方震疊不寧會有蘇副將者爲仇家所誣大司馬自 王營率勁兵猝至將窮治其通賊狀皆擐甲而入民情益恟恟宇春以百口保之力爲昭雪事乃解賊旣平以足疾告歸邑人勒碑紀其事

佟養量字滄涵正藍旗人由佐領積功累加至輕車都尉順治六年擢兵部左侍郎兼右副都御史總督宣大山西軍務駐劄陽和時姜逆初平骸骨徧野爲斂而葬之又建報忠祠祀 一時死事者嘗錄重囚有張發者業斃於獄矣其族牽連多論死檢原案覆視特爲省釋內丁楊洲玉寓齊生所獲藏鏹八百兩呼其子弟至悉畀之

修學宮習禮教射其中會部議衛所屯田照內地民田  
例起科養量疏言邊地種遲霜早沙磧相望加以兵旅  
之餘荒殘愈盛若必援例起科勢必聞風俱潰夫有人  
斯有財益下卽益上疏上

俞允雲中人至今祠祀之

胡文燝字德輝滿洲人貢士順治七年由昌平知州擢知  
大同府時姜逆初平移府治陽和事事同草勅文燝通  
達政體精於吏事日侍制府佟帷幄商確指畫爲經久  
計豁荒糧籌經費清訟獄理郵驛絕苞苴風紀肅然手  
輯雲中郡志十四卷未幾陞河東兵備副使

大同府志

卷之十八

宦蹟

二十七

彭有德遼東人順治間任大同右衛叅將姜瓖之變抗節  
不從賊勢甚熾有德力禦不支單騎潰圍投 親王帳  
家人六十餘口皆遇害賊平論勦撫功擢授大同總兵  
洺鎮宣布威德和輯兵民修築城堡橋梁廢墜漸舉康  
熙三年歲饑有德率先捐俸以賑全活甚衆軍民頌德  
不朽祀名宦

屈復泰直隸大興人順治間任大同鎮標中軍遊擊時姜  
瓖變後一切經制未定文武大吏以議不協構隙復泰  
多方調劑嫌疑冰釋軍民帖然巨盜劉三瘋自宣府竄  
入大同憑東郭廢寺爲負嵎狀捕卒皆畏蕙復泰奮勇

直前擒獲之督府薦其能未及遷卒於官

范發愚河南進士順治五年知廣靈縣姜逆據大同渾源逆黨朱廷佐糾集千餘人剽掠村堡邑奸民李青許發旺等勾連賊衆攻圍縣城發愚以大義勸諭士民晝夜捍禦與城存亡仍調四鄉義勇救援後潛縋壯士赴英王麾下請兵勦滅之賊遂平歷陞江西道祀名宦祠郎永清遼東廣寧人順治六年以監生知渾源州時姜逆初平永清首立義塚瘞殘骸乃招流亡督開墾詳豁逋賦一萬餘兩販易者給母錢俾通貨器士民始有起色後以治行遷官去民爲立祠祀之

大同府志

卷之十八

宦蹟

二十八

宋起鳳字紫庭滄州人順治十一年以副榜貢知靈邱縣靈邱經闖寇繼以姜變民散田蕪賦役缺正額者以萬計起鳳力請蠲除獲免糧銀三千二百六十餘兩徭銀一千七百三十餘兩其他積逋並報罷流民漸復業起鳳復時詣田間課之寢有起色及解組攀轅臥轍者踵相接焉

孔化鳳山東恩縣人順治十四年由拔貢任大同知縣性廉介嚴明查廢產清隱占讞獄平恕催徵有方胥役不敢犯科而閭閻德之至修文廟建橋梁一時政績多可

紀述

羅森大興人順治丁亥進士知靈邱縣下車問疾苦鋤豪  
強興教化簡刑訟招流移補驛騎勸耕作慈恕明斷遇  
事迎刃解值逆環變森獨嬰城固守斬僞使以狗防將  
謀內應森正色抗言切責之卒不敢動旣而援師大集  
城賴以全

譚從簡山海衛人康熙元年以舉人知靈邱縣靈邱逋賦  
纍纍前令宋業請豁免隨遷官以去從簡涖任雅諳民  
間利病百廢具舉當時謠曰前無宋憑誰種後無譚更  
不堪靈邱以循吏稱者二人爲最

曹溶字秋岳浙江嘉興人康熙六年任陽和兵備道學問

大同府志

卷之十八

宦蹟

二十九

閔博處兵瑣瘡疔間賑荒馭吏胥有績雅稱歎徐明經  
化溥馮觀察雲驤才亟旌之時學政叢弊溶箝制俾不  
敢逞魏敏果象樞雅叅議焉尋以裁缺去仕至侍郎

董遂昇直隸河間人康熙間以拔貢授知縣遷大同府西  
路同知性敏給尤善聽斷不假鈎致具能得情僞有重  
獄業定擬察其誣卒開釋之而真奸徒於法督撫監司  
皆倚爲重後擢漢中知府以去

何玉相瀋陽人蔭生康熙四年任山陰知縣召民開墾荒  
田四百四十餘頃履畝勸課歲倍收穫屯田爲民力請  
給軍分種邑人至今感德不衰

岳宏譽字聲國江南武進人康熙十七年以進士任靈邱知縣距前令宋二十年宏舉雅愛慕之歲大旱力請於上官豁荒地糧除包賠丁銀復條陳平糶救荒策洞中窾要輯志乘飾廟學建鄉賢名宦祠皆踵宋遺蹟而增成之論者以爲眞足媲美云

王度漢陽人康熙十一年以副貢知靈邱縣度少讀書時嘗歎子產治鄭武侯治蜀得爲治大體及蒞官心存仁恕而能濟之嚴明吏民無敢犯法久而胥愛頌之以疾卒於署葛帷布被敝衣數襲而已百姓哭之

薛侯陝西三原人康熙十七年以舉人知懷仁縣寬平愛

大同府志

卷之十八

宦蹟

三十

民頻歲饑力請蠲免正賦賑濟有方百姓賴以活者甚衆上官每見必稱之曰眞民父母分校鄉試所得皆三晉名士募民開墾荒地調任壺關去民思之不置云

吳一蜚字翼生江南蘇州人康熙丁未進士授山陰知縣甫涖任卽捐俸修葺文廟召民開墾清出額內荒田九十三頃十九年邑大荒詳請緩徵民甚德之後累官至吏部尚書

石佳彝字宗六奉天人康熙二十年以監生知懷仁縣出金賑荒給牛種又立義學崇異諸生見者多興起在任五年擢廣平知府去民樹碑識之

李煥斗字谷愚江西新淦人康熙中知廣靈縣值歲旱疫  
詳免絕戶錢糧兼籲賑濟一如所請民皆感頌並招徠  
勸墾流亡復業府倉捐貯米石歲令各屬運送殺虎口  
廣靈應運七百石煥斗力爲民請設法調劑通省照糧  
公捐其治蹟多類此

董學詩字以言遼陽人康熙二十六年任懷仁知縣年甚  
少而精敏待士撫民胥得治體革火耗清行戶立義倉  
飾廟學歲大饑勸輸以賑之民無流逋在任三年治行  
爲當時最

甯朝鼎字坦園直隸永平人康熙三十九年由歲貢任山

大同府志

卷之十八

宦蹟

三十一

陰知縣敏幹有治劇才多所修葺凡衙署學宮及各祠  
廟無不整飭境內一新在任十一年去之日百姓立碑  
頌德

洪璟字崑霞號秋山江南歙縣人由拔貢知交城縣遷霍  
州知州康熙五十年以賢能擢大同知府剖斷如神豪  
猾斂迹北關多可耕地以堆貯草束閉不得入越十餘  
年廠內草束僅二十萬而封閉如故乃捐俸築牆斂爲  
一區餘地悉還之民民至今德之

許惟訥字省文江蘇婁縣人由進士起家性廉介所至有  
聲雍正元年擢授大同知府益奮勵有爲以興利除弊

爲己任府西南口泉村額徵商畜兩稅向係堡長經收完納後乃委員稽查因緣爲奸頗爲擾累惟訥曰稅課第無虧正額足矣柰何以培克病吾民立撤回委員令舖戶自納并嚴堡長代徵之禁至今便之村民立碑頌德

陳際熙字枚從雲南石屏州人雍正三年改天鎮衛爲縣際熙以舉人來知縣事時度事更始一意振作晨坐堂上治文書至夜分乃罷逾年百務具舉專務與民休息不煩而理歲庚戌大旱南川尤甚際熙遍歷各鄉撫慰力請蠲賑又詳請府大有倉並本縣倉米四千五百餘石按戶給發民頌德焉越二年告休去士民立像私祀之

大同府志

卷之十八

宦蹟

三十一

屠嘉正字時若浙江進士雍正十三年知大同府事勤勸課崇學校禁差派以清靜爲治吏民安之越二載陞福建按察司副使去民爲之歌曰農狎其野賈安其肆清靜寧一從公以治恒山蒼蒼桑乾洋洋維公之德容保無疆型仁講讓敦詩說禮多士奮興我公色喜昔有文翁庸蜀同風懷我公兮教思無窮

張聖夫湖北漢陽人乾隆七年以舉人任山陰知縣時積弊釐剔上下肅飭聖夫謹持其後安靜以養之於是閭

里清泰不知有吏訟至立判以去胥役玩法雖小必懲  
禁游惰捕豪猾於寬和中時一振厲民愛以畏焉

李葳直隸樂亭人乾隆十年以舉人任山陰知縣歲旱民  
乏食葳力請修築城垣以工代賑乃親董役事散值均  
給不假吏役手且時優犒資民不知災

張坊號湘帆湖南湘潭人雍正乙卯拔貢乾隆十四年任  
天鎮知縣縣南八里河暴漲北下衝嚙爲城患乃親詣  
相度高下開渠二名百丈河導水使東入南洋河隨於  
故道築隄疊堰以捍之遂安流如故創書院修邑乘構  
藏冰室建霜神雹神祠皆以經術潤飾吏治在任五年

大同府志

卷之十八

宦蹟

三十三

調繁曲沃去

方恭愈浙江人乾隆十五年以選貢知山陰縣持躬清介  
自奉泊如建書院葺聖廟文學振興在任四年去之日  
囊無餘貲士民送者爭饋贖卒謝不受

嘉祥號芝亭鑲藍旗人由筆帖式累陞戶部郎中出爲汾  
州知府乾隆二十五年調知大同府歲屢荒歉繼以疾  
疫給糲斂死者復設廠煮粥以賑大有倉米石每歲春  
借秋還嚴飭胥吏平準其出入且予免息任輦者率裹  
贏餘以去歡聲載路雲中書院久廢爲營署乃度府治  
西隙地鳩工重建歲率屬捐俸爲膏火費又時親詣講

堂進諸生而董勸之士風蒸蒸然起二十八年大計以  
賢能膺卓薦移守太原大同人士至今誦述弗衰

朱宗洛字紹川江蘇無錫人性耿介坦白精於易理乾隆  
三十三年以進士銓授天鎮知縣甫下車卽懸賞緝獲  
廣昌縣越獄積匪窮治窩黨境內肅然凡聽訟不踰三  
日悉論報可息者令自和解皆感泣愧悔去公餘引諸  
生入署課之令執弟子禮士習丕懋庚寅分校省闈所  
拔多知名士明年四月卒於官篋中僅存所著周易觀  
玩篇及手抄書數十卷士民環署涕泣與前令陳並立  
像私祀焉

大同府志

卷之十八

宦蹟

三十四

大同府志卷之十八終